

Ҳадис дарслари (154-дарс) Амални сир тутиб қилишнинг афзаллиги



17:04 / 29.09.2021 3372

لَمْ يَلْمَعْ يَوْمَئِذٍ الَّذِينَ اسْتَلْزَمُوا لَوْلَا اَلْوَسْرَ اَيُّ لِحْرَ لِقَ : لِقَ اَوْ نَعْنَعُ لَوْلَا اَيُّ صَرَ رَرَ يَبَا نَع
لَوْلَا اَيُّ لَوْلَا اَلْوَسْرَ لِقَ ، كَذَا ذَهَبَ عَأْ هِيَ لَعَلَّ طَا اِذْ اَفْ ، رَسُ يَفَ لَمَعَلْ
يَوْمَئِذٍ لَوْلَا اَمَّا اَوْرَ ، هِيَ نَعْلُ اَوْ رَسُ لِحْرَ : اِنْ اَحَا هَلْ : مَلَسُو هِيَ لَع

Абу Ҳурайра розияллоҳу анҳудан ривоят қилинади::

«Расулulloҳ соллаллоҳу алайҳи васалламга бир одам:

«Эй Аллоҳнинг Расули, бир одам қилган амалини яширади. Агар у билиниб қолса, хурсанд бўлади» деди.

Расулulloҳ соллаллоҳу алайҳи васаллам:

«Унга икки ажр бор. Яширганлик ажри ва ошкор бўлганлик ажри», дедилар».

Иккала ҳадисни Термизий ривоят қилганлар.

Шарҳ: Бу ҳадисни ҳам Абу Ҳурайра розияллоҳу анҳу ривоят қилмоқдалар. Саҳобаи киромларнинг Пайғамбаримиз соллаллоҳу алайҳи васалламдан керакли нарсаларни сўраб, ўрганиш одатлари бор эди.

Саҳобаларнинг бирлари Расулуллоҳ соллаллоҳу алайҳи васалламдан:

«Эй Аллоҳнинг Расули, бир одам қилган амалини яширади. Агар у билиниб қолса, хурсанд бўлади» деди.

Бу гапнинг замирида шу ҳам риёкорликка кирадими, маъносидаги савол бор. Аслида ўша одам қилган амалини одамларга билдирмай, Аллоҳ учун бажарган эди. Аммо одамлар билиб қолиб, уни мақташди. У эса одамларнинг мақтовидан хурсанд бўлди. Ушбу нарса риёкорликка кирадими? Бунга жавобан:

«Расулуллоҳ соллаллоҳу алайҳи васаллам: «Унга икки ажр бор. Яширганлик ажри ва ошкор бўлганлик ажри», дедилар.

Яъни, бу ерда асл ният эътиборли. У сир тутишни ният қилган эди, шунинг учун бир ажр олади. Лекин одамлар бошқа томондан билиб қолиб, уни мақташди. Бундан бошқалар ўртак оладилар. Бунинг учун яна бир ажр олади. Одамларнинг мақтовидан хурсанд бўлгани эса зарар қилмайди. Чунки у аслида одамлар мақташларини ният қилмаган эди.

Ушбу ҳадисдан олинадиган фойдаларимиз:

1. Иштибоҳли масалаларни биладиган кишилардан сўраб, аниқлаб олиш зарурлиги.
2. Амални сир тутиб қилишнинг афзаллиги.
3. Одамлар бошқа томондан билиб қолиб, мақтасалар, ундан хурсанд бўлишнинг зарари йўқлиги.
4. Амалини сир сақлаган одам икки марта ажр олиши мумкинлиги.

Демак, биз ҳам бу ҳадиси шарифни ҳаётимизга татбиқ қилиб, амалларимизни сир сақлашга уринишимиз, риёкорликдан қочишимиз лозим.

«Ҳадис ва ҳаёт» китоби асосида тайёрланди